

Javna Ustanova „Fond Memorijala Kantona Sarajevo“, sa sjedištem u Sarajevu, ul. Širokac br. 22, Općina Stari Grad, Kovači-Sarajevo, JIB:4200305180002, koga zastupa v.d. direktor-a Delalić Mirsad, dipl.soc.rad. (u daljem tekstu: Ugovorni organ)

i

Dioničarsko društvo „BH Telecom“ Sarajevo, sa sjedištem u Sarajevu-Centar, ul. Franca Lehara br. 7, ID broj: 4200211100005, PDV broj: 200211100005, koga zastupa v.d. generalnog direktor-a Kahrman Sedin (u daljem tekstu: Dobavljač)

Zajednički naziv za Ugovornog organa i Dobavljača je **UGOVORNE STRANE**.

zaključili su u Sarajevu, dana 07.01.2020. godine

UGOVOR PRUŽANJU USLUGA FIKSNE TELEFONIJE, MOBILNE TELEFONIJE I INTERNETA

I PREDMET UGOVORA

Član 1.

Predmet ovog ugovora je pružanje usluga mobilne telefonije, fiksne telefonije i interneta (u daljem tekstu: Usluge) od strane Dobavljača, u svemu prema Aneksu 2 - Obrazac za cijenu ponude iz tenederske dokumentacije Ugovornog organa, broj: 13-49-581/19 i prema prihvaćenoj Ponudi Dobavljača br. 08-38-122846/19 od 25.12.2019. godine, koja čini sastavni dio ovog ugovora.

Član 2.

Telefonska usluga je javno dostupna elektronska komunikacijska usluga putem telefona za direktno ili indirektno, upućivanje i primanje nacionalnih odnosno nacionalnih i međunarodnih poziva preko broja iz nacionalnog plana numeracije.

Telefonski priključak i ruter su vlasništvo Dobavljača.

O predaji u posjed i instalaciji telefonskog adaptera, ugovorne strane će potpisati zapisnik-revers. Predajom telefonskog adaptera, Dobavljač će obavijestiti Ugovorni organ o pretplatničkom broju koji mu je dodijeljen, odnosno obavijestiti Ugovorni organ da je proces prenosa broja iz mreže drugog operatora uspješno završen.

Ugovorne strane su saglasne da svaki novi korisnik Ugovornog organa (zaposlenik) koji se priključi korisničkoj grupi ima iste uslove, kao i drugi postojeći korisnici.

Član 3.

Dobavljač će korisniku omogućiti upotrebu svih ponuđenih usluga koje su tehnički izvodljive na mrežnoj infrastrukturi namijenjenoj internet uslugama.

Priključenje Ugovornog organa na mrežu i pristup uslugama internet može izvesti samo Dobavljač ili njegov ovlašten izvođač.

II CIJENA I NAČIN PLAĆANJA

Član 4.

Netto vrijednost ugovora iznosi	11.497,28 KM
Popust	407,28 KM
Netto vrijednost ugovora sa popustom	11.090,00 KM
PDV17% u iznosu od	1.885,30 KM

Ugovorne strane su saglasne da ukupna vrijednost ugovora sa uključenim PDV-om 17 % iznosi

12.975,30 KM

(slovima: dvanaesthiljadadevetstotinasedamdesetpet i 30/100 KM)

Dobavljač počinje obračunavati pretplatu i druge izabrane usluge, pod uslovima odabranog korisničkog paketa, od dana uspješnog uspostavljanja usluge. Dobavljač će vršiti obračun u skladu sa posebnim dogovorom i važećim cjenovnikom iz Ponude broj: 08-38-122846/19 od 25.12.2019. godine.

III MJESTO IZVRŠENJA UGOVORA

Član 5.

Ugovorne strane su saglasne da je mjesto pružanja usluga: Širokac 22, Tuneli 1, Ratna džamija Igman-Trnovo bb.

IV VAŽENJE UGOVORA

Član 6.

Ugovor stupa na snagu od momenta kada ga potpišu obje ugovorne strane. Ugovor se sklapa na određeno vrijeme i važi do 31.12.2020. godine.

V OTKAZ I RASKID UGOVORA

Član 7.

Ugovorne strane su saglasne da ovaj Ugovor može prestati u sljedećim slučajevima:

- sporazumom Ugovornih strana;
- ukoliko jedna od ugovornih strana i pored pisanog upozorenja druge ugovorne strane nastavi grubo da krši odredbe ovog Ugovora, jednostranom izjavom volje jedne od Ugovornih strana sa otkaznim rokom od 30 (trideset) dana, s tim da taj otkazni rok služi za završavanje započetih obaveza;
- u drugim slučajevima predviđenim zakonom. Ako zbog jednostranog raskida Ugovora jedna ugovorna strana pretrpi štetu, ugovorna strana koja je jednostrano otkazala Ugovor dužna je da istu nadoknadi primjenom odredbi Zakona o obligacionim odnosima.

VI OSTALE ODREDBE

Član 8.

U slučaju kašnjenja u isporuci usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluga koja je predmet javne nabavke. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 9.

Ugovorne strane su saglasne da se visina mjesečne pretplate kao i izbor ponuđenih paketa ne može korigovati od strane Dobavljača u skladu sa poslovnom politikom Dobavljača bez zaključivanja novog ugovora sa Ugovornim organom. Dobavljač će o promjeni ponude paketa i cijena mjesečne naknade za telefonsku (fiksna i mobilna) i internet uslugu, kao i drugih uslova, obavijestiti Ugovorni organ putem izmjene Opštih uslova i cjenovnika na svojoj Internet stranici: www.bhtelecom.ba.

Član 10.

Mjesečnu pretplatu za odabrani paket fiksne telefonije, mobilne telefonije i internet usluga Ugovorni organ će redovno izmirivati uplatom na tekući račun Dobavljača putem uplatnice, najkasnije do 30-og u mjesecu za prethodni mjesec.

Prvu naknadu će platiti najkasnije do 30-og u narednom mjesecu u odnosu na mjesec kada je ugovor zaključen.

Ukoliko Ugovorni organ iz bilo kojeg razloga ne primi račun prije roka za plaćanje, dužan je da o izostanku istog obavesti Dobavljača i zatraži duplikat ili obavještenje o visini računa. U svakom slučaju Ugovorni organ je dužan da pretplatu za odabrani paket i naknadu za ostvareni saobraćaj u skladu sa cjenovnikom izmiri uplatom na tekući račun Dobavljača.

Član 11.

Ugovorne strane će odrediti svoje predstavnike, koji organizuju i kordiniraju aktivnosti oko realizacije ovog ugovora i imaju ovlaštenja da odluče o pitanjima koja mogu nastati u toku trajanja ovog Ugovora. Ugovorni organ je dužan da sve eventualne izmjene koje se odnose na promjene definisanog limita, smanjenje ili povećanje broja pojedinačnih korisnika, kao i druge detalje dostavi Dobavljaču preko svog ovlaštenog predstavnika, najkasnije do početka obračunskog perioda.

Član 12.

Ako se zapisnički utvrdi da usluga koju Dobavljač izvršava ima nedostatke u pogledu kvaliteta, kvantiteta i očiglednih mana, Dobavljač je obavezan da iste otkloni u što kraćem roku, a najdalje u roku do 8 /osam/ dana od dana sačinjavanja zapisnika o reklamaciji koji u svemu odgovara standardima u pogledu kvaliteta.

Član 13.

Ugovorne strane su saglasne da će se na sve što nije regulisano odredbama ovog Ugovora primjenjivati odredbe Zakona o obligacionim odnosima i odredbe drugih pozitivno pravnih propisa koji regulišu ovu materiju. Ugovorne strane su saglasne da će sve eventualne sporove nastojati da riješe sporazumno, u duhu dobrih poslovnih običaja, a ukoliko to nije moguće, sporovi će se rješavati pred stvarno nadležnim sudom u Sarajevu.

Član 14.

Svaka izmjena i dopuna dogovorenog ovim Ugovorom proizvodi dejstva za Ugovorne strane ukoliko je u pisanoj formi i potpisana od strane ovlašćenih predstavnika Ugovornih strana.

Član 15.

Ugovor stupa na snagu danom obostranog ovjeravanja i potpisivanja ugovora od strane ovlašćenih zastupnika ugovorenih strana.

Član 16.

Ovaj Ugovor zaključen je u 4 (četiri) istovjetna primjerka, od kojih svaka ugovorna strana zadržava po 2 /dva/ primjerka.


Član 17.

Ugovorene strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

ZA UGOVORNI ORGAN
V.D. DIREKTOR-a
Delalić Mirsad




Broj:13-14-02-581/19
Sarajevo, 07.01.2020.godine



Broj: 01-19-91/20
Sarajevo,

21-01-2020



Aneks 2

OBRAZAC ZA CIJENU PONUDE - USLUGE

“Objedinjene usluge fiksne, mobilne telefonije i usluge interneta za potrebe JU „Fonda Memorijala KS“ u 2020. godini”

Naziv ponuđača: BH TELECOM DD SARAJEVOBroj ponude: 08-38-122846/19Datum: 24.12.2019 godine

Opis usluge	Količina / obim (za mjesec dana)	Količina / obim (za 12 mjeseci)	Jedinica mjere	Jedinična cijena po stavki bez PDV-a	Ukupno cijena po stavki bez PDV-a (KM)
Fiksni POTS priključci – 3 komada – pretplata bez popusta po svakom priključku	4	48	pretplate	18,09	868,32
Fiksni priključak ISDN – 4 komada – pretplata bez popusta po svakom priključku	4	48	pretplate	20,57	987,36
Pretplata za produženo biranje do 50 lokala	1	12	pretplata	22,73	272,76
Direktno biranje u kućnu centralu (DDI), bazni dostup	1	12	pretplata	3,50	42,00
Poziv prema broju operatera ponuđača	2500	30000	minuta	0,092	1260,00
Poziv prema brojevima ostalih operatera	660	7920	minuta	0,042	332,64
Poziv prema broju operatera ponuđača mobilne mreže u minutama	600	7920	minuta	0,17	1346,40
Poziv prema brojevima ostalih operatera mobilne mreže u minutama	360	3120	minuta	0,215	670,80
Mjesečna pretplata mobilne telefonije	7	84	pretplata	10,72	900,48



Poziv prema broju fiksne mreže operatera ponuđača	370	4440	minuta	0,17	754,80
Poziv prema brojevima ostalih operatera fiksne mreže	140	1680	minuta	0,17	285,60
Poziv prema broju ponuđača mobilne mreže u minutama	350	4200	minuta	0,17	714,00
Poziv prema brojevima ostalih operatera mobilne mreže u minutama	100	1200	minuta	0,20	240,00
Poruka prema broju operatera ponuđača	200	2400	stand. sms poruka	0,06	144,00
Poruka prema brojevima ostalih operatera	60	720	stand. sms poruka	0,06	43,20
Neograničeno korištenje interneta sa pristupnom brzinom min. 10 Mbps/1	3	36	/	25,56	929,16
Neograničeno korištenje interneta sa pristupnom brzinom min. 20 Mbps/1	1	12	/	34,10	409,20
Neograničeno korištenje interneta sa pristupnom brzinom do 4/1 Mbps 1 stalna javna IP adresa do 8 dodatnih stalnih javnih IP adresa	1	12	/	90,00	1.080,00
Kablovska televizija	1	12	/	18,80	225,60
UKUPNA CIJENA OBJEDINJENIH USLUGA BEZ PDV-A					11.497,28
POPUST $3,542403\%$					407,28
UKUPNA CIJENA SA POPUSTOM BEZ PDV-a					11.090,00
UKUPNA CIJENA BEZ PDV-a					11.090,00
PDV 17%					1.885,30
UKUPNA CIJENA SA PDV-om					12.975,30

SLOVIJA: DVANAGST HIJADA DEVOTSTOTINA SEDAMSTOTIN I 30/100 KM

V. D. DIREKTOR, KEMAL AVDAGIĆ

